



Broj: 04-40-1-1/20
Sarajevo, 02.01.2020. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 07:00 sati 01.01.2020. do 07:00 sati 02.01.2020. godine

Dana 01.01.2020. godine, zbog povećanja koncentracija zagađujućih materija u zraku, proglašena je epizoda „Pripravnost“ u Kantonu Sarajevo.

Stručno tijelo za koordinaciju i nadzor provedbe Plana interventnih mjera u slučajevima prekomjerne zagađenosti zraka proglasilo je epizodu „Pripravnost“ u svim zonama na području Kantona Sarajevo u kojima se primjenjuje ovaj Plan.

Mjerenjem koncentracija zagađujućih materija u zraku na području Kantona, jučer je zabilježen značajan rast prosječnih dnevnih koncentracija čestičnih tvari u zraku - PM₁₀, predviđenih za proglašenu epizodu (50 µg/m³), i to na stanicama: Otoka 109 i Ilijaš 124 µg/m³. Trend značajnog pogoršanja kvaliteta zraka nastavljen je i tokom dana, pa je danas u 14:00 sati u naselju Otoka izmjereno 191, a u Ilijašu 254 µg/m³.

U isto vrijeme, prema vremenskoj prognozi Federalnog hidrometeorološkog zavoda u Sarajevu, naredna tri dana se očekuje stabilno vrijeme, bez padavina i vjetrova uz pojavu temperaturne inverzije.



Uzimajući u obzir činjenicu da vremenska situacija ukazuje da se očekuje znatno brža akumulacija zagađujućih materija u zraku te pogoršanje sa aspekta kvaliteta zraka, u narednim danima se očekuje proglašenje i ostalih epizoda predloženih Planom interventnih mjera.

U okviru epizode „Pripravnost“ provoditi sljedeće mjere:

- u zoni A – u općinama Stari Grad, Centar, Novi Grad, Novo Sarajevo i Ilidža - ispod 700 metara nadmorske visine zabrana kretanja automobila i teretnih vozila, čiji dizel motori imaju normu EURO1 i manju, uz pojačane kontrole inspeksijskih organa i asistenciju organa MUP-a,
- u svim zonama intenziviranje čišćenja i pranja cesta sa primjenom mokrog postupka kalcij-hloridom,
- pojačavanje inspeksijskog nadzora nad gradilištima,
- smanjenje temperature za minimalno 2°C na svim postrojenjima za proizvodnju toplotne energije sa Liste pravnih i fizičkih lica koja za zagrijavanje prostorija koriste čvrsta goriva i teška lož ulja uz preporuku za eventualni prelazak na prirodni gas ili električnu energiju, gdje za to postoje tehničke mogućnosti,
- maksimalno povećanje kapaciteta sredstava javnog gradskog prijevoza koji ne zagađuju okoliš,
- pozivanje pravnih lica da u zavisnosti od svojih mogućnosti izvrše pomjeranje početka radnog vremena u cilju rasterećenja kapaciteta javnog gradskog prijevoza i gradskih saobraćajnica.

Iz Stručnog tijela šalju upozorenje stanovništvu Kantona da svojim ponašanjem i aktivnostima dodatno ne doprinosi zagađenju zraka, te ih podsjećaju da je kažnjivo svako spaljivanje otpada u kućanstvima

Iz Zavoda za javno zdravstvo KS preporučuju stanovnicima da maksimalno smanje kretanje i boravak vani, tokom naredna dva dana, jer se očekuje daljnje značajno povećanje koncentracija PM₁₀ koje mogu nepovoljno da utiče i na zdravu populaciju. Poseban apel se upućuje rizičnim grupama stanovništva među kojima su starija populacija, mala djeca i trudnice, bolesnici (plućni, srčani) te bolesnici skloni alergijama da maksimalno reduciraju aktivnosti na otvorenom koliko im to mogućnosti dozvoljavaju jer može doći do pogoršanja postojećih hroničnih stanja.

Kantonalna uprava civilne zaštite Kantona Sarajevo: Pripadnici Kantonalne uprave civilne zaštite Kantona Sarajevo imali su jednu veću i sedam manjih intervencija.

Veća intervencija je bila jučer u 16:10 sati u ulici Husrefa Redžića (naselje Ciglane). U stanu na šestom spratu stambene zgrade je izbio požar koji je gasilo devet vatrogasaca sa dva vatrogasna vozila. Požar je lokalizovan u 16:20 sati a likvidiran u 16:36 sati. Pričinjena je velika materijalna šteta a povijeđenih lica nije bilo.

Manje intervencije su bile na gašenju smeća u kontejnerima (5 intervencija), na gašenju dimnjaka na privatnoj kući (1) i jedna intervencija obezbjeđenja javnog događaja (koncert).

Iz općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobijene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.



web: <https://kucz.ks.gov.ba>

e-mail: oc@kucz.ks.gov.ba

Tel: + 387 (0) 33 121, 556-670

Fax: + 387 (0) 33 556-671

Sarajevo, Reisa Džemaludina Čauševića 1

Elektro distribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskih postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 07:00 sati temperatura u Sarajevu je iznosila -5⁰C, relativna vlažnost zraka 91 % a barometarski pritisak 956 hPa.

BIHAMK: Saobraćaj na području Kantona Sarajevo se odvija uredno, osim na dionicama na kojima se izvode planirani radovi, gdje se saobraćaj odvija po posebnom režimu.

Do večeras do ponoći, zbog novogodišnjih praznika, zabranjen je prevoz eksplozivnih materija na području BiH.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d., JP Željeznice Federacije BiH i JP Međunarodni Aerodrom Sarajevo**, gradski, međugradski, željeznički i zračni saobraćaj se odvijaju po ustaljenim redovima vožnje i letenja.

PO OVLAŠTENJU DIREKTORA
DEŽURNI OPERATIVAC

Mirsad Biberović

Dostavljeno:

- Direktor KUCZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>

e-mail: oc@kucz.ks.gov.ba

Tel: + 387 (0) 33 121, 556-670

Fax: + 387 (0) 33 556-671

Sarajevo, Reisa Džemaludina Čauševića 1